

260 Ek glo vas in God, die Vader

260



The image displays a musical score for a hymn. It consists of four staves, each with a treble clef and a key signature of one sharp (F#). The lyrics are written below each staff. The melody is simple, using quarter and half notes. The lyrics are in Afrikaans and Dutch.

Ek glo vas in God, die Va - der,
wat al - mag - tig, wys en goed,
aard' en he - mel eens ge - maak het,
nog be - stuur en trou be - hoed.

1(b)



Deur Hom leef, be - weeg en is ek,
Hy be - skik, be - stuur my lot;
dít ver - trou ek aan sy lei - ding
as my Va - der en my God.

2.

Ek glo vas in Jesus Christus,
eengebore Seun van God,
deur wie alles is geskape,
Woord by God en self ook God.
Ek vereer Hom soos die Vader,
buig my dankbaar voor Hom neer,
wat my vrygekoop, verlos het -
Hom erken ek as my Heer.

3.

**Ek glo Jesus, wat ontvang is
deur die werking van die Gees,
word hier deur die maagd Maria,
waarlik mens van bloed en vlees.**

**Onder Pontius Pilatus
het Hy smart en pyn gely;
is gekruisig en begrawe -
só maak Hy van sonde vry.**

4.

Op die derde dag het Jesus
uit die dood uit opgestaan,
deur sy sterwe en sy lewe
dood en graf en hel verslaan.
Na die hoogste hemel het Hy
tot die Vader opgevaar;
aan Gods regterhand in ere,
voer Hy heerskappy van daar.

5.

Ek glo dat Hy op die wolke,
Hy, die Menseseun, wéér kom.

Al die lewendes en dooies,
elke knie sal buig voor Hom.

Hy beoordeel al ons werke -
so beslis Hy ook my lot.

Maar dit troos my: Hy, die regter,
het my skuld betaal by God.

6.

**Ek glo met my hele wese
in die Heil'ge Gees as Heer,
wat sy kerk met al sy lede
troos en deur die Woord regeer.
Hy skenk my sy krag en leiding
dat ek hier die goeie stryd
in sy Naam begin en eindig
met geloofsblymoedigheid.**

7.

Ek glo God se kerk is heilig,
Christelik en algemeen;
in geloof en hoop en liefde
aan Hom toegewy soos één.

Hy is Hoof en ons die lede
wat Hy roep, versterk, bewaar.
Hartlik deel, met dank en vreugde,
ons sy gawes met mekaar.

8.

**Ek glo aan die skuldvergewing
deur die Heer se midd'laarsbloed;
in my eie werk en waarde
is geen rus vir my gemoed.
Dit is alles net genade
dat ek nie verlore gaan;
ja, my Vader, ja, ek weet dít:
U neem my in Christus aan.**

9.

**Ek glo ook dat hierdie liggaam
wat tot stof en as vergaan,
op die laaste van die dae
weer verheerlik op sal staan;
dan onsterflik, onverganklik,
ken dit geen verderfenis;
dan is dit so skoon en heerlik
soos my Heer se liggaam is.**

10.

En ek glo daar wag 'n lewe
ewig, heerlik, sondevry.

Jesus, wat vooruitgegaan het,
het ons plek reeds voorberei.

Doderyk, waar's jou oorwinning?

Dood en sonde, waar jul mag?

Ewig in die vaderwoning
leef ons sonder dag of nag!

11.

**Ewig, onbegryplik' Wese,
U die Vader, Seun en Gees,
Heer, leer my U ken al beter,
u gehoorsaam kind te wees.
Ons wil sing van al u liefde;
in u waarheid wil ons juig.
Amen! Blye evangelie!
Amen, bly my hart getuig!**